

清宮史續編

章炳麟

清宮史稿
卷之四

國朝宮史續編卷之五十四

宮殿四

內廷一

臣等謹案我朝內宮之制。乾清、坤寧、瀟象天地。爲紫微正中。蓋與盛京開國。初建清甯宮。昭揭萬福之原。天然合一者也。東西闢門。象日月。左右列永巷二。每一永巷。以次列三宮。布爲十二宮。象十二辰。其後東西分列五所。而躋周星共之義備矣。洪惟列聖燕詒。萬年枚實。宅中由舊。正位攸寧。緬昔高宗純皇帝沖齡十二。即蒙聖祖恩養於毓慶宮。閱七十三年。乾隆乙卯。皇上膺命冊儲。爰自撚芳殿移居。賜題堂楣曰繼德。是以寢門尊養。宸極端臨。亘古以來。於斯爲盛。迴非往籍。所傳宮殿之簿。禁樞之書。所能鋪張萬一。又况九重攷疊。問夜求衣。家瀟昭垂。倍嚴於出入起居之地。而且內殿進見。君臣無間。隔睽違。上下交泰。民隱周知。誠有如我皇上御製勤政殿記所云者。視前代深居大內。徒狃晏安。奚啻霄壤之判歟。臣等臚紀內廷諸制。籍以見聖聖

相傳。守成則儉奉堯茨。日監則銘存武牖。初不以尊嚴邃密。尙高拱之虛名焉。而若慈寧、寧壽、毓慶三宮。受福方長。陳義至大。謹從特書之例。分著於編。

乾清門。南嚮。廣宇五楹。中門三。陛三出。各九級。周以石闌。前列金獅二。皇帝御

門聽政。於中門陳設御座黼屨。部院以次啓事。內閣面承諭旨於此。

御門聽政儀恭載典

禮門凡恭遇齋戒之日。太常寺進銅人。陳於扉左案上。凡召對臣工。引見庶僚。俱

由門之右門出入。內廷行走大臣官員。俱得由之。乾清門之旁。左爲內左門。右爲內右門。皆南嚮。內左門不常啓。凡內官及承應人等出入。俱由內右門。軍機大臣、南書房翰林。內務府大臣官員出入。亦得由之。如遇皇帝御養心殿。召對文職三品以上。武職二品以上。大臣年逾六十者。准奏事官由此門引進。

詳載前卷

訓諭門墀下東出者。爲景運門。西出者。爲隆宗門。皆五楹。門各三。內左門之東。內

右門之西。周廬各十二楹。東西各有侍衛直宿房。又東爲散秩大臣直班房。及文武大臣奏事待漏之所。西爲辦理軍機事務處。總管內務府大臣辦事處。其

南相對周廬各五。東爲宗室王公奏事待漏之所。西舊爲內繙書房。今爲軍機處。滿漢章京直舍。其旁井亭各一。○乾清門內。左右陞。北出者二。中路甬道相屬。正中南嚮者。爲乾清宮。皇帝臨軒聽政。歲時於內庭受賀賜宴。及常日召對臣工。引見庶僚。接覲外藩屬國陪臣。咸御焉。宮廣九楹。深五楹。中設寶座。左右列圖史。璣衡彝器。宮檐前。爲露臺。列銅龜。銅鶴各二。嘉量。晷度各一。寶鼎四。左右丹陛。南出者二。東西出者各一。東西丹陛下。有文石臺二。上安設社稷江山金殿。○宮內楣間。南嚮。恭懸世祖章皇帝御筆墨刻扁曰。正大光明。前。聖祖仁皇帝恭跋云。

皇考世祖章皇帝御筆正大光明四字。結構蒼秀。超越今古。仰見聖神文武。精一執中。發於揮毫之間。光昭日月。誠足媲美心傳。朕罔不時爲欽若。敬摹勒石。垂諸永久。爲萬世子孫法。康熙十五年正月吉旦恭跋。後。高宗純皇帝恭跋云。皇曾祖世祖章皇帝御筆扁額。四字傳心。一中法守。義足以括典謨。皇祖聖祖

仁皇帝恭摹上石蹟藏御書處。茲法宮重建。敬謹摹搨。恭揭楹端。對越羹牆。用昭示萬葉雲仍。其欽承無斁。乾隆六十二年孟冬月恭跋。○兩楹恭懸高宗純皇帝御筆恭摹聖祖仁皇帝御筆聯曰。表正萬邦。愼厥身修思永。弘敷五典。無輕民事惟難。上聯旁書康熙己酉聖祖御筆。下聯旁書乾隆丁巳恭摹。又高宗純皇帝御筆聯曰。克寬克仁。皇建其有極。惟精惟一。道積于厥躬。○五屏風上恭刻聖祖仁皇帝聖製集經銘語。正惟天聰明。惟聖時憲。惟臣欽若。惟民從乂。左首出庶物。萬國咸甯。右愷悌君子。四方爲則。左功崇惟志。業廣惟勤。右知人則哲。安民則惠。○後宸恭懸高宗純皇帝聖製五屏風銘。

予年十二時。始解文義。每侍皇祖於乾清宮。得瞻御座後屏風集諸經銘語。即知綜括治道無遺。而爲君者。必如是。然後可謂盡君道也。踐阼後。益用以自勵。思欲衍繹諸句。各爲一銘。而理精義博。日引月長。三十六年於茲。予亦六旬有一矣。昔衛武公作抑戒。老而自警也。予侍聖母。不宜言老。而自警之意。則不可

無。夫此集諸經語。誰不能成誦。然言之易而行之難。語云。適百里者半九十里。苟所行不符乎所言。予愧不滋甚哉。

自我民聽。天以爲聰。自我民視。天以爲明。無曰高高在上。惟命不于常。奈何弗

敬。夙夜不遑。純佑惟休。惟恤亦無疆。右惟天聰明粵我列祖。憲天惟聖。宅中圖治。敬

勝義勝。允茲克明。佛時仔肩。以似以續。惟曰欲至于萬年。右惟聖時憲予有股肱。予

有心膂。恤小民之依。惟予與汝。曰惟欽哉。厥欽匪從。陳善弼邪。無私則公。右惟臣欽

若至弱而不可勝。至愚而不可欺。心焉懷保。庶其從治。厥類有四。厥數無萬。暑

雨祁寒。曰咨曰怨。思艱圖易。適求厥寧。用顧畏于民畧。適觀厥成。右惟民從又百姓

注耳目。一人孩之。萬幾凜旦明。一人裁之。惡乎危。于不知。惡乎失。于好逸。惡乎

損招。于矜驕。右首出庶物人莫不衣食也。足之則寧。民猶水也。澄之則清。使菽粟布

帛如水火。亦其難矣。豈可虛詡昇平。右萬國咸寧和樂且湛。君子之愷。平易近民。君

子之悌。君子終日乾乾。體仁長人。大都爲爲君者而言。右愷悌君子譬如北辰。居其

所而衆星拱之。德斯要矣。爲則者心誠奉之。苟失其德。孰與爲則。戒之慎之。斯

焉。惕息。右四方在昔文王。即康功田功。志厯惠鮮。受命惟崇。詰戎固要。黷武非

賢。以是爲功。失之天淵。右功崇曰宵衣。豈誠宵衣乎。曰旰食。豈誠旰食乎。卽誠

宵旰。而心不在焉。亦豈得謂之眞勤乎。君者臣之師乎。將以督人。而已固可遺

乎。右業廣爲君奚難。難於知人。唐虞已然。而况而今。忠邪莫辨。善惡紛陳。貌不

易察。心更難識。量材授職。各有分司。廣諮博訪。或稱不知。在彼則可。在我則遲。

蒿目焦心。分憂其誰。右知人三代以下。治世常稀。其故云何。安民莫爲。安民若

何。莫如惠施。惠心勿問。元吉易辭。右安民後書乾隆三十六年。歲在辛卯。孟春

上澣御筆。乾隆六十二年。歲次丁巳。孟冬月。臣趙秉冲奉勅重摹。○東壁。恭懸

聖祖仁皇帝御筆墨刻蘭亭叙。○西壁。懸唐岱孫祐合仿李唐寒谷先春圖。每

於歲時懸掛。平日收藏。東暖閣內。扁曰抑齋。西暖閣內。扁曰溫室。皆高宗純皇

帝御筆。西暖閣北楹上。恭懸高宗純皇帝御筆乾清宮銘。數百里香半尺十里

大哉至健。純粹而精。昭昭成象。蕩蕩難名。四德嬪用。六位時乘。靜專動直。資始大生。我祖我考。奉是丹楹。五福敷錫。萬國咸寧。敢恃崇居。惴惴矜矜。益慎體乾。惟皇永清。

聖製孟冬還宮敬因重建乾清宮工成有作

戊午

昨歲乾清值祝融。紀年嘉慶匪乾隆。昨年孟冬二十一日乾清宮弗戒於火此

璽後並未退居寧壽宮仍在養心殿日勤訓政事無鉅細皆予自任之敬思上天垂戒誠以予仰邀洪貺踐阼六十二年壽躋望九康強逢吉諸福備膺較之上

皇祖受眷尤為優厚未免欣喜過望是以吳慈於篤祐之中示以戒滿之意予惟撫躬自責不以優厚之子皇帝此實敬凜寅畏之誠詳見昨午悔過詩及頒發

內勅旨從來有應必有故。不以責儲惟責躬。萬戶千門肯效侈。用漢末復初如舊

亦稱崇。重成枚實纔旬月。自昨年孟冬至今仲秋甫十閱月大工重建告成

吉日特降旨將管理工程大臣官員等交部分別議敘其工匠及總管內監等賞給緞匹有差是日天氣晴和敬謹申謝宮殿及司工各神靈以答福佑從此敬迓

天庥延釐集慶吉祥鞏固至仍慙去聲卑之大禹宮。

御製重修乾清宮大工落成詩以誌事

戊午

國朝宮史卷之十四
去冬追憶尙心驚。喜見新宮不日成。天象昭垂申告戒。臣身修省本衷誠。父恩
高厚瞻堂構。殿式巍峨備棟楹。鞏固斯干祝苞茂。永承乾健奉皇清。

御製乾清宮西暖閣敬述

癸亥

百有餘年建大清。渺躬繼述凜持盈。祖功宗德艱開創。天眷考恩疊守成。立極
紹言繇寶祚。求賢佐治衛民生。仔肩任重虞難荷。彊勉敬勤一念誠。

臣等謹案乾清宮。爲嚮明出治之所。嘉慶二年十月。太上皇帝命將作重修。
恭讀勅旨。欽感天心仁愛。默垂鑒佑。益凜持盈。復追繹聖祖諭旨。期四海之
乂安。懋一人之有慶。是以松雲如舊。丹雘維新。與皇帝同迓天祖洪庥。鞏福
基而崇肯構。臣等恭錄聖製。暨御製新宮慶成詩什。用誌萬年締造之吉祥。
至前頒勅旨。謹分載訓諭門。

乾清宮之東。爲昭仁殿。南嚮。聖祖仁皇帝在御時。日夕寢興之溫室也。高宗純

皇帝敕檢內府書善本。先後排比。列架庋藏。詳載書藉門扁曰天祿琳琅。嘉慶二年

重建。

聖製重華宮茶宴廷臣及內廷翰林等用天祿琳瑯聯句是日復成二律

乙未

甲子琳瑯輯天祿。

琳瑯自甲子年始

因之內殿度昭仁三句閱歲編維舊四

庫於今書薈新體固參差置應別品資檢校得求真笑咨邇日抽增者。

舊所辨宋版中

頗有未確今經訂正改微入者豈乏當時預選人。

交泰聯情聚翰僚重華喜值小年朝。

見月令輯要杭州府志

聊因應節設芳茗略異開筵

詠蓼蕭爲學立言當顧行敕幾食盱與衣宵崇文詎曰崇虛飾復旦卿雲莫謾謠。

前楹北嚮聯曰風奏南薰調玉軫霞懸東壁燦瑤圖後室聯曰獨喜惜陰澄靜

照更因稽古契遐心殿後西室扁曰慎儉德聯曰瓊枝春意足縹帙古香多再

後西室扁曰五經萃室高宗純皇帝勅彙貯宋岳珂校刻五經於此屏上恭懸

聖製五經萃室記。

恭載書籍門

西嚮聯曰有秋歷覽登三誦盱食惟期協九經南嚮

國朝宮史續編 卷五十四
聯曰。亦曰欽哉貫謨典。允惟難以作君師。

高宗純皇帝聖製昭仁殿銘

四德何以首元。四時何以首春。仁者人也。要莫大於親親。刑寡妻以至兄弟。民同胞而物吾與。皆由此施。關痛癢而肫肫。然其所包者廣。是以孔子對門人之問不同。而莫非由己之所存。人宜盡勉。又何況乎爲君。吾用是居昭仁之殿。恍然惟恐有愧於斯言。

御製昭仁殿敬誌詩

戊午

不敢追思去冬事。上天示警寸心知。發仁止義斯昭德。得位安居莫忘去聲危。時凜昊恩垂至教。日聆父訓沐深慈。式瞻堂構增慚懼。舊額新宮敬始基。

乾清宮之西。爲弘德殿。南嚮。殿內扁曰。奉三無私。皇上傳膳辦事處也。嘉慶二年重建。北壁。恭懸高宗純皇帝御筆大寶箴。後室扁曰。太古心。聯曰。墨汁潤分瑤草綠。篆文清帶筆花香。東室。樓上聯曰。九疇勤省歲。萬寶協書雲。樓下聯曰。

得句因新意。耽書是宿緣。又聯曰。心爽天宇豁。情欣理境融。殿後東室扁曰。懷永圖。聯曰。雲霞紛綺麗。文物共葳蕤。皆高宗純皇帝御筆也。

皇上御書聖製弘德殿銘

求全之毀。吉德也。辨之不已。是惑也。不虞之譽。凶德也。居之不疑。是感也。知惑不爲。直言其來。知惑而爲。諛言其滋。諛滋悔生。直來其亨。宜已而辨。汝奚爲善。宜疑而居。汝惡奚祛。屏乎營乎。其思德之所宏乎。

御製夏日奉三無私敬述

癸亥

仰瞻棟宇承先澤。盛夏全無暑氣侵。身逸心勞墮民瘼。吏疲政玩愧君臨。求安時覽天人策。克已常懷大寶箴。繼述仔肩難負荷。旦明兢業寸衷欽。

宮之東廡。內臣直廬三楹。聖祖仁皇帝御筆扁曰。御茶房。稍南三楹。爲端凝殿。西嚮。聖祖仁皇帝御筆扁曰。執事。殿名取端冕凝旒之義。御用冠袍帶履俱貯於此。再南三楹。爲舊設自鳴鐘處。聖祖仁皇帝御筆扁曰。敬天。高宗純皇帝御

筆聯曰。簾縈香篆齋心久。座殷鐘聲問夜遲。其地向因貯藏香。及西洋鐘表。沿稱爲自鳴鐘。實仍統於端凝殿。列聖所御冠服朝珠。尊藏於此。恭見高宗純皇帝聖製匣衍記。恭載典禮冠服門其南。東出者。爲日精門。門之南。爲御藥房。聖祖仁皇

帝御筆扁曰藥房。又扁曰壽世。再南一室。奉至聖先師及先賢先儒神位。高宗純皇帝御筆扁曰。與天地參。聯曰。開洙泗心傳。聖由天縱。集唐虞道統。德合時中。轉而南。嚮北者。爲尙書房。皇子皇孫肄業處也。世宗憲皇帝御筆聯曰。立身以至誠爲本。讀書以明理爲先。高宗純皇帝御筆聯曰。念終始典于學。於緝熙單厥心。又聯曰。閒庭不改風還月。欹案依然易與詩。又乾隆壬戌乙丑。聖製詩

二首。

恭見前編

聖製懷舊詩三先生三首

今古既殊宜。其教亦異施。古方教數年。今爲出閣時。憶半舞勺歲。皇考掄賢師。即從師授經。詎惟習少儀。循循既善誘。嚴若秋霜披。背誦自幼敏。匪曰詡徇齊。

日課每速畢。師留爲之辭。以此倍多讀。胥益平生資。誰知童時怨。翻引老日悲。
不失赤子心。能無繾綣思。嗚呼於先生。吾得學之基。 右龍翰福先生

皇考選朝臣。授業我兄弟。四人胥宿儒。徐朱及張嵇。設席懋勤殿。命行拜師禮。
其三時去來。可亨則恒矣。時已熟經文。每爲闡經旨。漢則稱賈董。宋惟宗五子。
恒云不在言。惟在行而已。如坐春風中。十三年迅耳。先生抱病深。命輿親往視。
未肯竟拖紳。近謁仍鞠躬。始終弗踰敬。啓手何殊爾。嗚呼於先生。吾得學之體。
右可亭朱先生。

先生長鰲峰。陶淑學者衆。奉命訓吾曹。風吟而月弄。雖未預懋勤。八載寒暑共。
常云三不朽。德功言並重。立言亦豈易。昌黎語堪誦。氣乃欲其盛。理乃欲其洞。
是實爲學方。虛車徒駕馭。因以書諸紳。末敢妄操縱。德功吾何有。言則企該綜。
嗚呼於先生。吾得學之用。 右聞之蔡先生。

御製冬日至尙書房詩

丁巳

髻齡即入學。荏苒卅餘年。愧未明經史。勉期希聖賢。趨庭時領訓。受璽敬承天。兢業寸心凜。危微古藉傳。重遊新絳帳。試拂舊青氈。接席排文翰。連牀列講筵。

弟兄仍共坐。子姪喜摩肩。惇敘尊皇父。即看六代全。

乙卯冬皇父申諭歸政後皇子孫曾元輩仍在尙書

房讀書今元孫載錫己可冀得來孫天潢衍慶六世同堂計六歲就傳爲期亦不遠耳

東室。恭懸乾隆四十一年十月初四日。高宗純皇帝定諸王遞襲封爵諭一道。室南。恭懸嘉慶九年二月初七日。皇上申訓皇子不得自署別號諭一道。西室。

恭懸乾隆三十七年十月二十三日。高宗純皇帝訓守本朝冠服諭一道。

俱恭載前

卷訓諭門

西廡嚮東。中三楹。與端凝殿相對者。爲懋勤殿。東嚮。聖祖仁皇帝沖齡曾

讀書於此。高宗純皇帝御筆扁曰。基命宥密。凡圖史翰墨之具悉貯焉。是爲內

廷翰林兼直之所。每歲秋讞時。刑科覆奏本上。皇帝御殿親閱招冊。內閣大學

士、學士、及軍機大臣、刑部堂官、面承諭旨於此。再南三楹。爲批本處。聖祖仁皇

帝御筆扁曰。慎幾微。凡內閣擬票本章。俱由此處進呈御覽。然後票寫清文交

閣。又南。西出者。爲月華門。門之南。爲內奏事處。每日內外臣工所進奏章。及呈遞膳牌。由外奏事官接入。於此交內奏事太監進呈。得旨後。仍由此交出。又爲尙乘轎。祇奉皇帝出入御輿。轉而南。嚮北者。爲南書房。內廷詞臣直廬也。稍東。爲內辦理軍機事務處。再東。爲宮殿監等辦事處。聖祖仁皇帝御筆扁曰。敬事房。又東。爲侍衛直次。昭仁殿之左。東出者。爲龍光門。弘德殿之右。西出者。爲鳳彩門。此乾清門內乾清宮之叙置也。